



Randi Vestergaard Evaldsen
Inatsisartunut ilaasortaq, Demokraatit

§ 37 naapertorlugu apeqqutit akineqarnerat - aqqit pillugit inatsiseqartitsinermut tunngatillugu

22-01-2019
Suliap normua. 2019 - 1171
Allakkat nr. 9814882

Postboks 1029
3900 Nuuk
Oqarsasuaat: +299 34 50 00
Email: ikin@nanoq.gl
www.nanoq.gl

Asasara Randi Vestergaard Evaldsen.

Inatsisartut suleriaasiat naapertorlugu apeqqutinnut qujanaq.
Apeqqutigineqartut tullinnguuttuni akissuteqarfigissavakka.

Apeqqut 1: Atsiisarnermut Inatsisissamut piareersaasup ataatsimiititaliap danskit oqartussaaffiinik atsiisarnermut inatsit pillugu suleqateqarnermini sumut killippa?

Akissut: Soorlu apeqquteqarninnut tunngavilersuutigisanni erseqqissarit UKA 2018-imi 21. november 2018 akunneq apeqquteqarfiusumut atatillugu sammisaq aamma ilanngussimavat. Tamanna nangillugu allakkat 23. Novembari 2018-imeersut aqqutigalugit apeqqutigineqartunut allakkatigut akissutinik nassiussaqaarsimavunga, tassanilu paasissutissiissutigineqarpoq ataatsimiititaliap inatsisinik piareersaasussap pineqartup suliani suli naammassisimangikkai, ataatsimiititaliallu sulinera pillugu tamakkiisumik ilisimatinneqarnissara siunertaralugu ataatsimiititaliamik ataatsimeeqateqarnissara naatsorsuutigigakku, soorlu qanoq ilinerani naammassinnittoqarsinnaanersoq apeqqummut tunngatillugu. Tassungalugu atatillugu paasissutissiissutigineqassaaq ataatsimiititaliap suliani suli naammassisimangimmagu, tamannalu pissutigalugu piaartumik ataatsimiittoqarnissaa suli pilersaarutaammat. Aamma suli naatsorsuutaavoq ataatsimiititaliap sulinini 2019-ip ingerlanerani naammassiumaaraa.

Apeqqut 2: Inatsisip nutaap atuutilernissaa qaqugu naatsorsuutigineqarpa?

Akissut: Aallarniutigalugu oqaatigineqassaaq inatsisinut oqartussaalluni piginnaatitsissut Naalagaaffiup suliassanut ilaammat. Taamaammat inatsisinik suliaqarnissami Naalagaaffimmi oqartussaasunik annertuumik peqataatitsinissaq suleqateqarnissarlu pisariaqartinneqarput, taakkuuppummi

kingulliullutik suliassaqarfimmut inatsisissanik akuersissuteqartussat. Malittarisassat pineqartut ilaatigut Naalakkersuisunit innersuussutit tunngavigalugit sularineqalerumaartut naatsorsuutaavoq, soorluttaarlu inatsimmik naggataagut akuersissuteqarnissaq aatsaat malittarisassat Namminersorlutik Oqartussanut oqaaseqarfigisassanngorlugit saqqummiunneqareerpata pisinnaassasoq. Kingullertut taaneqartumi pisariaqassaaq tamanna pillugu Naalagaaffimmi oqartussaasut inatsisissatut siunnersuummik suliaqaqqaarnissaat Inatsisartuni saqqummiussisoqarnissaa siunertaralugu. Taamaammat massakut paasissutissat pigineqartut tunngavigalugit inatsisip pineqartup qaqugu Kalaallit Nunaanni atuutilersinnaanissaa oqaatigiuminaappoq. Naalakkersuisulli takorusunnerugaluurpaat inatsimmik suliaqarneq tuaviornerusumik ingerlassasoq, malittarisassat nutaat taamaalillutik 2020-p naannginnerani atuutilersinnaaqqullugit.

Apeqqut 3: Suliamut tunngatillugu Naalakkersuisut allanik attuumassuteqartunik paasissutissaateqarpat?

Akissut: Naalakkersuisut suliassaqarfimmi inatsiseqartitsinerit nutaanngorsarnissaat takorusuttuaannarpaat. Tamatumani inatsisinut tunngavigineqartut atuuttut assersuunneqarsinnaapput, soorlu inatsit pisoqaanerusoq Inuit aqqi pillugit inatsit nr. 193, 29. april 1981-imeersoq aqputigalugu, taannalu Inuit aqqi pillugit kunngikkormiut peqqussutaata nr. 549, 21. august 1986-imeersup Kalaallit Nunaannut atuutilersinneqartup allannguutai pillugit Kalaallit Nunaannut atuutilersinneqartoq aqputigalugu.

Med venlig hilsen
Inussiarnersumik inuulluaqqusillunga



Ane Lone Bagger